

2

INVICTO  
SANCTO MARTYRI  
JOANNI  
NEPOMUCENO,  
TRIDUUM

*Ad ejus Opem implorandam pro qua-  
cunque necessitate.*

D. GABRIELIS MARIE DE VALENZUELA

*Clerici Regularis S. PAULI.*

EIDEM SANCTISSIMO

DOMINO NOSTRO  
DICATUM.



ROMÆ, M. DCC. XXIX.

Typis Jo: Zempel, & Jo: de Mey prope Mon. Jor.  
SUPERIORUM PERMISSU.



# LECTORI

*DEVOTO, ET BENEVOLO.*



UÆ mihi devotio  
erga S: JOAN-  
NEM Nepomu-  
cenum ad evul-  
gandum Italico ,  
Hispanoque ser-  
mone ejusdem admirabilis vitæ  
compendium, consilium dederat,  
eamet hodie brevissimum hoc  
Tridui nomine inscriptum exer-  
citium ad excitandam fidelium,  
pietatem , exarare , & exponere  
compellit, tanta enim beneficia  
brevis consecutus sum per ejus-  
dem invocationem, & obsequium,

A 2                      ut

ut grati animi argumenta erga  
tantum Patronum, ac Protecto-  
rem melius, ac satius ostendere  
me non posse, si arbitratus, quam  
in eundem communem excitando  
pietatem, devotionem, & ob-  
sequium; quod ut feliciter obtin-  
gat.

Tria tibi ad hoc pium exer-  
citium die 13. Maii quotannis  
inchoandum, utiliter, & cum  
fructu excolendum præmitten-  
da præmoneo; Et primum, ut  
ipsa prima scilicet 13. Maii die  
(aliove tempore, quo necessitas  
urgeat) conscientiam tuam ritè,  
ac diligenter expiare cures per  
Sacramentalem Confessionem, &  
Sanctissimam Communionem, ut  
Deo,

Deo , & Sancto Joanni gratior , & acceptior factus per gratiam tibi auctam , aut restitutam , promptior , & securior ad imploranda , & obtinenda beneficia , seu gratiam , quam es petiturus , accedas.

Secundum , ut beneficio , seu gratiæ temporali semper spiritua-lem præmittas , vel saltem anne-ctas , ut facilius illam valeas im-petrare , hanc enim Sancti impe-trant frequentius , & libentius , & propter hanc etiam pro illa intercedere solent.

Tertium , ut si fortè æger , vel præpeditus fueris prædicto tem-pore , vel aliter impotens Triduum hoc exercere ante festum ejusdem , quod in diem 16. Maii incidit ,  
illud

illud idem transferas ad aliud tempus tibi vacuum, & opportunius, dummodo quod differtur non auferatur, aut omittatur. Vel si devotio tua beneficiis ejus obstricta tanta fuerit, quod faxit Deus, ut Triduo non contenta ad novendiale illud extendere placuerit, meditationes, & pios sensus pro una die assignatos ad tres dies distribuere, & protrahere poteris, maturius, & paulatim legendo, & considerando, & præmissis consuetis actibus Adorationis, Fidei, Spei, & Charitatis, & invocationis Spiritus Sancti, Beatissimæ Virginis, & Sancti Joannis Nepomuceni, incipies ut sequitur.

TRI-

TRIDUUM<sup>I</sup>  
IN HONOREM  
S. JOANNIS  
NEPOMUCENI.  
*Prima Die.*



**O**MNES, & singulas virtutes, quæ Sanctis præcipuè Dei ministris, ac Sacerdotibus considerari possunt, inunum confluisse JOANNEM nemo est, qui nesciat, si maximè ejus vitæ cursum vel leviter spectaverit, vel in Compendio nostro perlegerit. Et quoniam ex virtutibus Theologicis, Fide scilicet, Spe, & Charitate sanctitas potissimum spectatur, & dignoscitur; Joannem nostrum è tribus hisce respectibus tamquam è tribus prætiosioribus, ac coruscantibus gemmis resplendentem contuendum, ac considerandum exhibeo.

*De*

*De Fide S. JOANNIS*  
*Punctum Primum*  
*Mane.*

**P**ONE te ante conspectum Divinæ Majestatis, & profundissime adorata Triade Sacrosancta, & Augustissima, invocatoque Deiparæ præsidio, Angeli tui Custodis, ejusdemque Sancti Martyris Joannis Nepomuceni, pacata mente, hæc animo infra exposita revolves.

1. Intuere qualis, & quanta fuerit fides Joannis Nostri, quam pura, quam accensa, quam ardens, cum licet obscura nobis in via, ei tamen semper Deum in accessum præsentem fecerit, adeo ut licet Viator nunquam ab ejus visu, ac cogitatu deflexerit, semper coram Deo ambulaverit, & in caliginoso licet loco lumen jugiter viderit in hoc lumine indeficiens; hinc admirabilis illa fortitudo, atque constantia, qua Deum sibi non præsentem tantum, sed & familiarem, & intimum sibi spectans, non minas, non carcerem, non tormenta, non mortem timuit, & gloriosum Martyrium corde imperterrito inde sustinuit, ne fidelitati Deo, ac Reginae confitenti debita defici-



**S. 70: NEPOMUCENI. 3**

ceret, ne Regium secretum violaret aliquo modo, vel proderet, vel librum plusquam septem sigillis clausum aperiret, vel Sacrosanctum ministerium sibi commissum vituperaret. Perpende, qualem fidem, ac fidelitatem tu habeas, quam impuram, frigidam, & sub sæculi curis prope modum extinctam. Quanta sit in te à Dei obsequio, atque præsentia elongatio; qualis in servando solo secreto naturali inconstantia, seu levitas, atque in prodendis amicorum consiliis, & arcanis facilitas; desse nunc tantæ virtutis inopiam, atque defectus, utque præfata damna restaures in te, puriorem fidem, firmiorem fidelitatem per actus ejusdem egregios tibi statue, ac propone; Et quidquid merito purissimæ, & hæroicæ Fidei, ac Fidelitatis B. Joannis humilibus, ac fidelibus præcibus oraveris, te certe impetratum esse crede, licet immeritus; si etenim verè, & firmiter credis, omnia possibilia sunt credenti.



*Punctum secundum  
Vespere.*

2. **P**Erpende excellentiam hujus virtutis, quæ tantum in Joanne abundavit, & in te forte deficit; per hanc etenim tot mirabilibus, dum inter vivos degeret, ostendit manifestè, non esse impossibile apud Deum omne verbum verè, & perfectè in eum credentibus; divitem esse usquequaque in omnes, qui firma, pura, ac ferventi fide invocant illum. Per eandem vicit Regna, operatus est justitiam, adeptus est æternas repromissiones, proprias dispersit opes pauperibus, regias munifica manu distribuit, curavit morbos, sanavit ægrotos, vitia fugavit, & Dæmones, nefarii Principis minas contempsit, & Mundum omnibus major adversis in perpetuam felicitatem victor commutavit. Ubi est nunc fides tua, atque fiducia, quam modica, quamque debilis in adversis, & in prosperis quam fortis, & segura? Invoca Patronum tuum, Advocatum tuum, ut fidem tantam, ac fiduciam tibi protinus imploret, ut terrenis omnibus calcatis Cælestia Regna vincere queas, justitiam ita recto tramite

co-

**S. JO: NEPOMUCENI. 5**

colas, ut neque ad dextram, neque ad sinistram unquam declines; ita demum opera tua cum fide componas, ut firmiter credendo, & rectius in posterum operando, in supremo Spiritu constitutus per merita, ac præces ipsius lætus idem tibi annunciare possit: Fides operibus Sanctis conjuncta te saluum fecit. Amen.

***Soliloquium.***

**A** Mantissime Deus, gratias Tibi ago maximas pro eximia fide, ac fiducia, quam servo tuo Joanni misericorditer donasti, quarum ope tot mirabilia fecit in vita sua ad Tui Nominis gloriam, & animarum salutem; adjuva quæso incredulitatem meam, auge Fidem, & fiduciam ob meritum Fidei, ac fiduciæ suæ, ut perfectius in posterum credendo, & operando Tibi verè in Fide desponsatus, fidelis coronam vitæ consequi merear. Amen.

**A N T I P H O N A.**

**I**ste Sanctus pro lege Dei sui certavit usque ad mortem, & à verbis impiorum non timuit, fundatus enim erat supra firmam petram (*Eccl: in Comm. Martyr.*)

B 2

¶ Glo-

## 6 TRIDUUM

V. Gloria, & honore coronasti eum Domine.

R. Et constituisti eum super opera manuum tuarum.

O R E M U S.

**P**Ræsta quæsumus Omnipotens Deus, ut intercedente B. Joanne Nepomuceno Martyre Tuo, & á cunctis adversitatibus liberemur in corpore, & á pravis cogitationibus mundenur in mente. Per Dominum nostrum &c.



SE-

S. 70: NEPOMUCENI. 7

## SECUNDA DIE DE SPE

### *Punctum primum Mane.*

**P**ost Fidei excellentiam expende Spei eminentiam; quanta enim firmitate credidit, tanta certitudine summum bonum expectavit, ideo festinavit ingredi in illam requiem, quam sibi tam certe paratam viderat in lumine Fidei. Arduum itaque virtutis iter securus aggrediens, auxilio Dei fretus, quem nunquam sibi defuisse comperisset, contra Spem, in Spem credens, inter maxima discrimina semper Regiæ cupiditati, & Procerum indignationi fortissime restitit. Sciebat enim cui crederet, & in quo speraret, & Deum nunquam derelinquere Sanctos suos, qui nunc, & semper ac alte sperant in eo. Cogita nunc quanta in futurorum expectatione labores hebetudine, quantoque languore, quantus in sinistris eventibus timor, atque formido, qualis in arduis dubiisque rebus torpor, animique tui de-

dejectio te occupat. Et erige oculos ad Spem Servi Dei contra Spem sperantis, & in presenti discrimine magis fidentis, eumque præcare, ut merito, & exemplo Spei suæ doceat, te semper sperare in Domino, & simul facere bonitatem, non in incerto divitiarum, aut potentiarum hominum, sed in præce Sanctorum Spem tuam reponere; ita demum firmet animum tuum, ut in adversis fortem, atque fidentem, in prosperis humilem, ac in arduis strenuum te reddendo in omni eventu, præsens in adverso: illud Job. usurpare possis (23. 25.) *Etiā si occideris me in te sperabo, & ipse eris Saluator meus.*

## *Punctum secundum* *Vespere*

**S**pei eminentiæ adde nunc, & considera perfectum, assiduumque exercitium Joanni familiare; intellexerat siquidem, non torpentibus atque otiosis, sed exercitatis, ejusque egregios actus frequentantibus divinam hanc prodesse virtutem. Spes ergo in corde Joannis ignis erat quidam Cœlestis à Spiritu Sancto succensus, supremis flammis jugiter eum adurens, & ad beatitudinis

ater-

## S. 70: NEPOMUCENI. 9

æternæ spheram concito cursu anhelare illum & contendere cogens. O Deus bone quis impetum hujus flammæ sursum jugiter erumpentis brevi oratione perstringat? quo & quanto conatu ad regionem suam ut evaderet, & centrum, sese extollebat! Non minas hominum impiorum, non regium furorem, non bonorum jacturam, non mortem timuit, sed contemptis omnibus, omnibusque superior in superna victor evasit Joannes, quia solum ei vivere Christus erat & mori lucrum. Heu quam longè ab hoc igne, ejusque ardore sum ego, quam frigidus torpidusque, ubi ad altiora, ac superna assurgere debeo, & quæ ad æterna bona consequenda mihi opportuna sunt, & necessaria stimulos apprehendere media! Utinam illo me igne Spiritus Sanctus inflammet, quo B. Joannis cor mirabiliter penetravit, ut eodem, meritis ejus, accensus, Dæmonum fallaciis, Mundi obstaculis, carnisque blanditiis fortiter, & ardentè superatis & elusis; ita in ardua tendam, & dura quæque complectar, & patiar, ut cum eo merear videre bona Domini, quæ per spem sanctam exspecto in terram viventium.



So-

*Soliloquium.*

**D**omine Jesu Christe spes, & salus mea, benedictus sis semper propter eximiam spem, quam dedisti servo tuo Joanni, per quam excitasti in me spem vivam, atque ardentem erga bona invisibilia, quæ præparasti credentibus, sperantibus, ac diligentibus te ex toto corde, mente, ac viribus suis; rogo te, ut meritis ejus, ac intercessionem tantum in corde meo concedas huius virtutis ardorem, ut spes mea de corde puro, & conscientia bona concepta semper ad meliora consurgat, adversa quæque, & difficilia superet, atque devincat, ut omnium hostium superatis insidiis ad eam, quam nec oculus vidit, nec auris audivit, nec in cor hominis ascendit, quamque spero meritis suis, perpetuam felicitatem aliquando perveniam  
Amen.

## A N T I P H O N A

**D**esiderium animæ ejus tribuisti ei Domine, & voluntati labiorum ejus non fraudasti eum.  
V. Posuisti Domine super Caput ejus.  
R. Coronam de lapide pretioso.

*Oremus* Præsta &c.

*pag. 6.*  
T E R -



TERTIA DIE  
DE CHARITATE*Punctum primum*  
*Mane.*

**P**Erpenſa fide, & ſpe, perpende modo chari-  
tatem S. Joannis, quam & ſi linguis homi-  
num loquereris, & Angelorum, nunquam attin-  
gere, vel exprimere valeres: tanta fuit, & tam  
eximia. Quæ enim vel mens capere queat divini  
amoris incendium, quo cor ejus conflagravit; cujus  
lampades ignis fuerunt, atque flammarum, vel  
quæ ei comparetur, quæ veluti ignis è Cœlo miſ-  
ſus ſuper ægyptum in aqua, quæ omnia extinguit,  
magis exarſit; quamve aquæ tantæ tribulationum,  
perſecutionis, Carcerum, ac tormentorum pro-  
tuendo maximo omnium ſecreto non potuerunt  
extinguere, nec flumina tot penarum obruere?  
quam denique nec vitæ periculum, mors certa,  
nec fames, nec gladius, neque instantia, neque  
fortitudo regia potuit ſeparare à charitate Jeſu  
Chriſti; O mi Deus, quantum in conſpectu ignis  
tan.

tanti fervet erga te cor meum! Quommodo non talibus, ac tantis flammis ignescit! heu quam rosco, quam sponte confiteor! nunquid in viridi ligno ignis charitatis accendetur? nunquid in corde sordido illecebris sensuum adhuc involuto flamma hæc accendi potest, quæ tantum de corde puro, & conscientia bona, & fide ac spe non ficta concipitur, atque nutritur? Eja ergo mi anime age, ut quam primum cor tuum emundes, atque expurges conscientiam ab operibus mortuis ut sordidum nihil, nihilque coinquinatum inveniens Spiritus Sanctus adprecetur B. Joannis, ejus amantissimi in te veniat, & ignem sui amoris ardentem in te benignè accendat, & flammam æternæ charitatis: Amen

### *Punctum secundum Vespere.*

**P**onderato cum Propheta pondere ignis, pondera nunc ejusdem effectus, & admirabiles ascensiones, quas tanto licet pondere disposuit Deus in corde Joannis. Triplicem ascensionem S. Lauren. Justin. lib. de ligno vitæ (c. 11.) assignavit, qua est *de Deo libenter cogitare, libenter*

S. 70: NEPOMUCENI. 13

*benter Deo dare, libenter pro Deo pati.* Quis Joanne nostro melius, ac sanctius per hunc ignem obtinuit, & implevit? Appende illum in statera rationis, invenies non minus, sed magis semper habuisse, & excrevisse in immensum pondus, & incendium inextinguibile; quis enim libentius Joanne de Deo cogitavit, pro Deo dedit, & passus est, cujus conversatio in Coelis magis, quam in terris fuit, qui suos, regiosque Thesauros non dedit solum, sed dispersit pauperibus, qui vitam ipsam, & sanguinem constanter profundens, non nisi per ignem, & aquam transiens educi voluit in refrigerium, & semitas suas in aquis multis invenit, quibus ad Cælum ascenderet? Proh Dolor? Si in statera justa cogitationes meas, verba, & opera appendo, quam parum, & minus de hoc ignis pondere me habere comperio, quam raro de Deo cogito, ac in Deum feror, pondere peccatorum, ac sollicitudinum Mundi pressus, quid pro amore Dei dedi, quid feci, vel passus sum? Qui usque ad delicias, & luxum commodo meo studeo, & consolationes exquiro, & afflictationes vel leves fugio, mihi que contraria ægre, vel impatienter fero? Ego vir videns pauperatatem meam ad te confugio Domine, ut per amoris tui ardorem, quem in B. Joannis præcordiis accendere dignatus es, ignem amoris

tui in corde meo succedas talem, ac tantum, ut deinceps semper de Te cogitare, pro Te dare, & in Tui obsequium omnia pati, ac compati valeam, nulloque tribulationum pondere à suscepto proposito deflectem; & solus amor tui sit in posterum pondus meum. Amen.

### *Soliloquium.*

**O**' Domine Jesu-Christe, qui ignem illum, quem venisti mittere in terram, accendere tam vehementer voluisti in corde B. Joannis, quando Spiritus Sancti flamma viscera mea, renesque comburet, & purgabit, ut tibi casto corpore serviam, & mundo, ac inflammato corde complaceam? Eja amor meus, onus, & pondus meum suavissimum, fac ut amore, ac meritis ejus, qui te ad mortem usque dilexit, & fortior ipsa morte, & jam in aquis vehementibus in tuo amore exarsit, nec magna flumina potuere tantum ignem extinguere, aut pondus tantum demergere, aut obruere; fac inquam, ut amore tuo impulsus fortiter, suaviterque te diligam, adversa quæque probe superando, patienter, ac placide perferendo, ad Tui nominis gloriam, & animæ meæ salutem. Amen.

ORA-

## O R A T I O.

**C**lementissime Deus, qui diligentibus te, facis cuncta prodesse: da cordi meo eximium ac ardentem amorem, quo te Joannes dilexit inviolabilem, ac ardentem tuæ Charitatis affectum: ut desideria hoc Triduo de tua inspiratione, ac ejus intercessione concepta nulla possint tentatione mutari. Per Christum Dominum nostrum, Amen.

Credo, spero, amo, & adoro Te Deus meus super omnia, & ideo doleo de peccatis meis, ac plus dolere, & confiteri desidero; doleo super omnia, quod Te tam ingratus, & infidus offenderim Deus meus, & omnia, & malo millies mori, & in infernum detrudi, quam ultra Te offendere. In gratiarum actionem pro omnibus, & singulis beneficiis, & remissionem peccatorum post merita Domini mei Jesu Christi, ac Beatissimæ Virginis Mariæ offero Tibi merita amantissimi Tui Joannis, quem Sanctorum Falsis adscribi fecisti, ut ejusdem exempla imitando assequar & gloriam; & suppliciter exoro majestatem tuam, ut Ecclesiam Sanctam, ejusque Ordines omnes in Sancta semper Religione conserves, ac serenissimum electum Imperatorem nostrum Carolum una cum

cum Orbe toto, qui tanta sollicitudine novam gloriam Joanni Patrono suo curavit, suspirata jam diù prole consolari, ac exaudire digneris, meque minimum tui clientem incolumem servare, ut una tecum in gloria congaudere merear. Amen.

### ANTIPHONA.

**H**ic est vere Martyr, qui pro Christi nomine Sanguinem suum fudit, qui minas judicum non timuit, nec terrenæ dignitatis gloriam quæsit, sed ad Cælestia regna pervenit.

℣. Justum deduxit Dominus &c.

℟. Et ostendit &c.

*Oremus.*      Præsta quæsumus &c. pag. 6.

## FINIS.

1.  $\frac{1}{2}$   
 2.  $\frac{1}{2}$   
 3.  $\frac{1}{2}$   
 4.  $\frac{1}{2}$   
 5.  $\frac{1}{2}$   
 6.  $\frac{1}{2}$   
 7.  $\frac{1}{2}$   
 8.  $\frac{1}{2}$   
 9.  $\frac{1}{2}$   
 10.  $\frac{1}{2}$

11.  $\frac{1}{2}$   
 12.  $\frac{1}{2}$   
 13.  $\frac{1}{2}$   
 14.  $\frac{1}{2}$   
 15.  $\frac{1}{2}$   
 16.  $\frac{1}{2}$   
 17.  $\frac{1}{2}$   
 18.  $\frac{1}{2}$   
 19.  $\frac{1}{2}$   
 20.  $\frac{1}{2}$